

第十二節 關於睡夢之善惡和其果報

大毘婆沙論 卷第三十七

《發智論》睡眠當言善耶？乃至廣說。

〈一〉睡眠通三性

(問)：何故作此論？(大正 27, 192a22)

(答)：前說睡眠心昧略爲性，未說爲是善、爲不善、爲無記，今欲說之故作斯論。

《發智論》睡眠當言善耶？不善耶？無記耶？

(答)：睡眠應言或善或不善或無記。

謂睡眠時心心所法有三種故。

《發智論》云何善？謂善心睡眠惛微而轉心昧略性。

由彼覺時於諸善事好行串習故，睡夢中亦復隨轉，如在本有於諸善事好行串習，(192b)彼於死有或中有中亦復隨轉，此亦如是。

(問)：此睡夢中所起善法爲加行善？爲生得耶？(大正 27, 192b2)

(答)：1·唯生得善以惛微故。

2·有餘師說：「亦加行善，以於文義亦簡擇故。」

《發智論》云何不善？謂不善心睡眠昏微而轉心昧略性。
由彼覺時於不善事好行串習故，睡夢中亦復隨轉，如在本有於
不善事好行串習，彼於死有或中有中亦復隨轉，此亦如是。

(問)：此睡夢中所起不善爲見所斷，修所斷耶？(大正 27, 192b8)

(答)：通二所斷。

《發智論》云何無記？謂無記心睡眠昏微而轉心昧略性。
由彼覺時於無記事好行串習故睡夢中亦復隨轉，如在本有於無
記事好行串習，彼於死有或中有中亦復隨轉，此亦如是。

(問)：此睡夢中所起無記，爲是有覆，爲無覆耶？(大正 27，
192b13)

(答)：1·二種俱有，有覆無記者，謂欲界身、邊二見相應睡眠；
無覆無記者，謂威儀路、工巧處、異熟生非通果：威儀路者，
如睡夢中自謂行等；

工巧處者，如睡夢中自謂畫等；

異熟生者，如睡夢中除前所說餘無記轉。

2·有餘師說：「唯異熟生，是睡眠中無覆無記，以心昏昧不
發身語，故無威儀及工巧性。」

〈二〉夢中應言：或福增長、或非福增長、或非福非非福增長。

《發智論》夢中當言福增長耶？乃至廣說。

(問)：何故作此論？(大正 27, 192b22)

(答)：前說睡眠通善不善無記，未說夢中有福增長等，今欲說之故作斯論。

《發智論》夢中當言，福增長耶？非福增長耶？非福非非福增長耶？

(答)：夢中應言：或福增長、或非福增長、或非福非非福增長。

▲【先釋增長意】

有處說得名爲增長，有處說生名爲增長。

1. 何處說得名爲增長？如〈定蘊〉說：「何故異生退時見修所斷結增(192c)長？世尊弟子退時唯修所斷結增長。」彼處說得名爲增長。
2. 何處說生名爲增長？如《施設論》說：「異生欲貪隨眠起時必起五法一、欲貪隨眠。二、欲貪隨眠增長生。三、無明隨眠。四、無明隨眠增長生。五、掉舉。」彼處說生名爲增長。此中說能取愛非愛果等思名爲增長，以此能取如應果故。

▲【論題分別說】

1. 《發智論》福增長者，如有夢中布施作福受持齋戒，或餘隨一福相續轉。

其事云何？彼隨覺時善勝解力，夢中還似彼善事轉，故如覺時能取愛果說爲增長。

(1) 謂若覺時好行布施，或以飲食或以衣服臥具醫藥房舍等事，給施於他，由斯串習勝解力故，夢中還似此所作轉。

(2) 若於覺時好作福業，或勤修理佛法僧事、道路橋梁園林花果池沼福舍，或樂瞻病供侍有德，或營五年大會等福，由斯串習勝解力故，夢中還似此所作轉。

(3) 若於覺時受持八齋及諸禁戒，謂苾芻等七衆律儀，由斯串習勝解力故，夢中還似此所作轉。

(4) 若於覺時好樂誦讀、聽問、說授、思惟、簡擇三藏文義，由斯串習勝解力故，夢中還似此所作轉。

(5) 若於覺時修不淨觀或持息念、四念住等諸觀行問，由斯串習勝解力故，夢中還似此所修轉。

由如是等勝解力故夢中福業亦得增長。

2. 《發智論》非福增長者，如有夢中害生命、不與取、欲邪行、故妄語、飲諸酒，或餘隨一非福相續轉。

其事云何？彼隨覺時惡勝解力，夢中還似彼惡事轉故，如覺時取非愛果說爲增長。謂若覺時好害他命如屠羊等、或不與取如劫賊(193a) 等、或欲邪行如姦非者、或故妄語如僞證等、或飲諸酒如耽酒人、或作其餘搗打罵詈、纒搆彼此、俳優歌詠、飲噉血肉、貪著五欲、增惡三寶、憍慢、邪見、嫉妒等事；

由斯串習勝解力故，夢中還似彼所作轉，故於夢中諸非福業亦得增長。

3·《發智論》非福非非福增長者，如有夢中非福非非福相續轉。其事云何？彼隨覺時非善非惡勝解力故，夢中還似彼事而轉，故如覺時能取非愛非非愛果說爲增長，謂若覺時作威儀路或工巧處或作田種擔負等事，由斯串習勝解力故，夢中還似彼所作轉，故於夢中非福非非福業亦得增長。

(問)：若於夢中福增長者，何故佛說：「愚人眠時無果異熟。」？
(大正 27，193a13)

(答)：如人覺時能作種種田種等事，眠則不能，如是覺時能修種種殊勝善業，謂能讀誦聽聞說授簡擇文義，修不淨觀、持息念等，別、總念住，順決擇分，入正決定得預流果乃至能得阿羅漢果，或復能修人天勝業，眠時於此皆不能成，故說眠時無果異熟。是故{尊者}世友說曰：「眠時所作福業果少故說無果，非謂全無。」

(問)：若於夢中非福增長，何故佛說：「寧當睡眠勿起惡覺。」？
(大正 27，193a22)

(答)：如人覺時數起種種增上惡覺，眠時則無，故作是說，非謂夢中一切非福皆不增長。

(問)：夢中善不善業能引衆同分不？(大正 27，193a25)

(答)：1·不能，以明了業能引衆同分，彼味劣故。

2. 有說：「亦能，謂彼能引^く蟻^{アリ}螻^{カマキリ}蚯蚓等闇劣衆同分，非餘勝者。」

3. 評曰：「如是說者，不應作是說。如前說者好，眠時但能造圓滿業非(193b)牽引業，隨他力轉，性味劣故，然得欲界五蘊異熟。」

第十三節 夢 一般論

《發智論》夢名何法？乃至廣說。

〈一〉夢是實有爲正義(本宗引經證)

(問)：何故作此論？(大正 27, 193b2)

(答)：1·前雖說夢作用而未說夢自性，今欲說之。

2·(復次)，爲破他宗顯正義故，謂或有執：「夢非實有。」

如

{譬喻者}彼作是說：「夢中自見飲食飽滿諸根充悅，覺已飢渴身力虛羸；

夢中自見眷屬圍繞奏五樂音歡娛受樂，覺已皆無，獨處愁瘁；

夢中自見四兵圍繞東西馳走，覺已安然，由此應知夢非實有。」

3·爲遮彼執顯實有夢，若夢非實便違(契經)。

如(契經)說：「我爲菩薩時於一夜中作五大夢。」

又(契經)說：「勝軍大王於一夜中作十大夢。」

毘奈耶說：「訖栗雞王於一夜中作十四夢。」

又(契經)說：「難地迦母來白佛言：『我夫犯戒既命終已於夜夢中現，昔時身來謂我曰：汝是我婦可爲昔事。世尊，我時都無異想，曾無一念隨順彼心。』世尊告曰：『善哉善哉，汝

是不還果人豈復染斯欲事。』』

又(契經)說：「汝等當斷如夢之法，此法是何？謂五取蘊。」

又伽他說：「如夢所會人，覺已便不見，死已於所愛，不見亦復然。」

若夢非實便與此等所說相違，由是因緣故作斯論。

〈二〉以夢之自性唯在意地

《發智論》夢名何法？

(答)：諸睡眠時心心所法於所緣轉，彼覺已隨憶能爲他說我已夢見如是如是事是謂夢。

(問)：若夢所見，覺已不憶；

設憶，不能爲他說者，爲是夢不？(大正 27，193b25)

(答)：彼亦是夢但不圓滿，若圓滿者在此所說。

(問)：夢以何爲自性。(大正 27，193b27)

(答)：1·即以夢時心心所法而爲自性。

2·有作是說：「意爲自性由意勢力，諸心所(193c)轉取夢境故。」

3·有餘師說：「念爲自性由念勢力，覺已隨憶爲他說故。」

4·或有說者：「五取蘊爲自性夢時諸蘊展轉相資成夢事故。」

5·復有說者：「以一切法爲夢自性，皆是夢心所緣事故。」

如是諸說雖各有義而最初說於理爲善，以此中說諸睡眠時心心所法於所緣轉，此顯睡時，若心心所法於所緣境明了轉者，說名爲夢，不說餘故。

〈三〉夢由五緣(世友)、(評曰)及由七緣(壽吠陀)說

(問)：夢在意地非五識身如何夢中能見色等？(大正 27, 193c8)

1. 有作是說：「是諸鬼神先示其人吉不吉相雖在意地而緣色等。」
2. {尊者} 妙音作如是說：「夢中法爾能見當來吉不吉相。」
3. 諸仙人等作如是說：「通達夢事製造夢書。」
4. {大德}說曰：「夢中雖無眼等五識能見色等，而由意地眠勢衰微夢見色等，如難地迦母所見夢事。」
5. {尊者} 世友作如是說：「由五因緣見所夢事。」如彼頌言：
「由①疑慮、②串習、③分別、④曾更念、⑤亦非人所引，五緣夢應知。」
6. 壽吠陀書作如是說：「七因緣故夢見色等。」如彼頌言：「由曾①見②聞③受，④希求亦⑤分別，⑥當有及⑦諸病，七緣夢應知。」

7.【評曰】：「應說五緣見所夢事：

(1) 一由他引，謂：若諸天諸仙神鬼咒術藥草親勝所念及諸聖賢所引故夢。

- (2) 二由曾更，謂：先見聞覺知是事，或曾串習種種事業今便夢見。
- (3) 三由當有，謂：若將有吉不吉事法爾夢中先見其相。
- (4) 四由分別，謂：若思惟希求疑慮即便夢見。
- (5) 五由諸(194a)病，謂：若諸大不調適時，便隨所增，夢見彼類。」

〈四〉何界趣處有此夢？何等補特伽羅有夢？

(問)：何界趣處有此夢耶？(大正 27，194a2)

(答)：欲界有夢。非色、無色，彼無睡故，於欲界中。

1·有作是說：「四趣有夢唯除地獄，彼由苦逼無睡眠故。」

2·【評曰】：「應說地獄亦容有夢。」如《施設論》說：「等活地獄中雖熱所逼骨肉焦爛有時冷風所吹，或因獄卒唱活彼即還活骨肉復生，苦受暫停便生少樂。」由此故知亦容有睡因斯有夢。

(問)：何等補特伽羅有夢？(大正 27，194a9)

(答)：異生聖者皆得有夢，聖者中從預流果乃至阿羅漢獨覺亦皆有夢，唯除世尊。所以者何？夢似顛倒，佛於一切顛倒習氣皆已斷盡，故無有夢，如於覺時心心所法無顛倒轉，睡時亦

爾。

〈五〉佛亦有睡眠

(問)：佛亦有睡眠耶？(大正 27，194a13)

(答)：有。云何知然？(契經)說故，如(契經)說：「諸離繫子來至佛所作是問言：『喬答摩尊有睡眠不？』」

世尊告曰：『祠火，當知我極熱時爲解食悶亦暫睡眠。』

彼復白佛：『世有一類沙門梵志作如是言：“有睡眠者即是愚癡，喬答摩尊將無是事。”』

世尊告曰：『若有諸漏、雜染、後有、生老病死苦果，未斷未遍知而睡眠者可名愚癡。』佛於諸漏、雜染、後有、生老病死苦果，已斷已遍知故，雖有睡眠不名愚癡。」

然諸睡眠略有二種：

一、染污。二、不染污。諸染污者，佛及獨覺阿羅漢等已斷遍知；

不染污者，爲調身故乃至諸佛亦現在前，況餘不起，故知諸佛亦有睡眠；

是故睡眠通五趣有，中有亦有，在胎卵中諸根身分已滿足者亦有睡眠。

〈六〉夢中見角人等爲是曾更？非曾更？

(問)：夢所見事爲是曾更？爲非曾更？設爾何失？(大正 27，194a28)

【甲】若曾更者，云何夢(194b)見有角人耶？豈曾有時見人有角？

【乙】(契經)所說復云何通？如說：「菩薩於一夜中作五大夢。一者、夢見身臥大地頭枕妙高山王，右手攬西大海，左手攬東大海，兩足攬南大海。二者、夢見有吉祥草名曰堅固，從臍中出漸高漸大遍覆虛空。三者、夢見有諸蟲鳥身白頭黑，緣菩薩足極至膝輪還復退落。四者、夢見有四色鳥從四方來至菩薩邊皆成一色。五者、夢見糞穢山上經行往來而不被污。」

【丙】菩薩何處曾更此事而夢見耶？

【丁】若所夢事非曾更者，云何菩薩非顛倒耶？

【答】：1·有作是說：「夢所見事皆是曾更。」

【甲】(問)：若爾，云何夢見有角人耶？豈曾有時見人有角？(大正 27，194b12)

(答)：(1) 彼於覺時異處見人，異處見角，夢中昏亂見在一處，故無有失。

(問)：彼智不能觀未來境，觀未來境（194c）乃是願智，彼無願智，云何能造占未來事諸夢書耶？（大正 27，194b29）

(答)：1·彼由比知未來夢事，謂見過去如是夢者有如是果，現在亦然，由此比知未來如是夢者亦當有如是果，故彼能造諸占夢書。

2·有說：「諸仙亦有獲得妙願智者，能造此書為諸有情避危難故。」

〈八〉夢境無數

(問)：夢境、宿住隨念智境何者為多？（大正 27，194c6）

(答)：夢境多，非第四靜慮宿住隨念智境。所以者何？第四靜慮宿住隨念智唯能憶念三無數劫，夢則能知無數無數大劫之事故。

有問言：「頗有不入靜慮、不起通慧而能得知無數無數大劫事不？」（大正 27，194c10）

(答)：有。謂夢。

〈九〉當斷如夢之法

(問)：如世尊說：「汝等當斷如夢之法，此法是何？謂五取蘊。」

(問)：彼智不能觀未來境，觀未來境（194c）乃是願智，彼無願智，云何能造占未來事諸夢書耶？（大正 27，194b29）

(答)：1·彼由比知未來夢事，謂見過去如是夢者有如是果，現在亦然，由此比知未來如是夢者亦當有如是果，故彼能造諸占夢書。

2·有說：「諸仙亦有獲得妙願智者，能造此書為諸有情避危難故。」

〈八〉夢境無數

(問)：夢境、宿住隨念智境何者為多？（大正 27，194c6）

(答)：夢境多，非第四靜慮宿住隨念智境。所以者何？第四靜慮宿住隨念智唯能憶念三無數劫，夢則能知無數無數大劫之事故。

有問言：「頗有不入靜慮、不起通慧而能得知無數無數大劫事不？」（大正 27，194c10）

(答)：有。謂夢。

〈九〉當斷如夢之法

(問)：如世尊說：「汝等當斷如夢之法，此法是何？謂五取蘊。」

何故取蘊說如夢耶？（大正 27，194c12）

（答）：剎那性故，不久住故，誑有情故，滅壞法故，虛爲性故，難厭足故，說之如夢。